

613 Mîn clâre, sîeze bêâs âmîs,
 sô durchliuhtic was sîn prîs
 mit rehter werdecheite ger,
 ez wære dirre oder der,
 5 die muoter ie gebâren
 bî sîner zîte jâren,
 die muosen im jehen werdecheit,
 die ander prîs nie überstreit.
 Er was ein quecbrunne der tugent,
 10 mit alsô berhafter jugent
 bewart vor valscher pflîhte.
 ûz der vinstre gein dem lichte
 het er sich enblecket,
 sînen prîs sô hôch gestecket,
 15 daz in niemen kunde erreichen,
 den valscheit mohte erweichen.
 sîn prîs hôch wahsen kunde,
 daz die andern wâren drunde,
 ûz sînes herzen kernen,
 20 wie loufet ob al den sternen
 der snelle Saturnus.
 der triwe ein monîzirus,
 sît ich die wârheit sprechen kan,
 sus was mîn erwünschet man.
 25 daz tier die meide solten klagen,
 ez wirt durch reinecheit erslagen.
 ich was sîn herze, er was mîn lîp;
 den vlôs ich vlustbærez wîp.
 in sluoc der kûnec Gramoflanz,
 30 von dem ir vüeret disen kranz.

ein clâr (clare *G* [Z]), s. b. âmîs. **G* (nur *GI*)
 durchliuhteclich (durt lichteclîch *U*) **T* (nur *U*)

j. der w., **G* (nur *GI*)

gar b. **G* (nur *GI*)
 v. an daz licht **G* v. in daz (vinster [*]: gegen dem *V*) licht **T* (*L* *Z*)
 erblecket (enbecket *Z*), **G* (nur *G*)

k. erreichen. **G*
 Amor was sîn herzeichen (Den valsch niht moht erweichen *L*). **G* (ohne *Z*) · ↓**T*
 pr. sô hôhe (pris hohe *L* pris nach *Z*) w. **G* **T*

den *om.* **G* **T*

verlustbærlîchez **T* (nur *U*)

**D*: *D* *Z* **m*: *m* **G*: *G* *I* *L* *Z* **T*: *U* *V*

1 Initiale *D* *Z* *L* *U* *V* **9** Majuskel *D* **17** Initiale *I*

1 bêâs] bevs *D* **8** prîs] strît **m* **9** quecbrunne] brvne *Z* · der tugent] der der tvgent *D* **11** valscher] valschlicher *Z* *L* (*V*) **12** gein dem] in daz *Z* **13** enblecket] enbecket *Z* **15**
 kunde] mohte **m* **16** den (Die *U*) valscheit nie mohte erweichen. **T* · mohte] kunde (kûnde *m*) **m* **17** hôch] nach *Z* **20** al den] allen *Z* **m* **21** der sterne Saturnus. **m* **23** die]
 der *Z* · sprechen] spehen **m* **28** den] des *Z* **30** dem] *om.* *Z*